



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆՆԻՔԻ ՄԱՐԶՊԵՏ

3301թ. Կապան, Գ.Նժդեհի 1, հեռ. Ֆաքս (010) 287822 (0285) 52010, էլ-հասցե՝ syunik@mta.gov.am

Որոշում

“ 21 ” Հունվարի 2015թ.

№ 6-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆՆԻՔԻ ՄԱՐԶՊԵՏԻ 2011 ԹՎԱԿԱՆԻ ՀՈՒԼԻՍԻ 11 - Ի N 119-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Իրավական ակտերի մասին» Հայաստանի Հանրապետության օրենքի 19-րդ հոդվածի 1-ին կետով, 70-րդ հոդվածի 1-ին կետի դրույթով, համաձայն Հայաստանի Հանրապետության Սյունիքի մարզպետարանի աշխատակազմի ղեկավարի 2014 թվականի ապրիլի 11-ի «Աննա Ոսկանյանին Հայաստանի Հանրապետության Սյունիքի մարզպետարանի աշխատակազմի ընտանիքի, կանանց, երեխաների իրավունքների պաշտպանության բաժնի պետ նշանակելու մասին» N 68-Ա հրամանի, որոշում եմ.

1. Հայաստանի Հանրապետության Սյունիքի մարզպետի 2011 թվականի հուլիսի 11-ի «Հայաստանի Հանրապետության Սյունիքի մարզպետարանում երեխայի տարիքը որոշող Սյունիքի մարզային հանձնաժողովի կազմը և լիազորությունները հաստատելու մասին» N 119-Ա որոշման N1 հավելվածում «Նաիրա Ավանեսյան», «Ռիտա Թադևոսյան» բառերը համապատասխանաբար փոխարինել «Աննա Ոսկանյան», «Ջարինե Բաբայան» բառերով:

2. Հայաստանի Հանրապետության Սյունիքի մարզպետարանի աշխատակազմի ղեկավարին. ապահովել սույն որոշումից բխող անհրաժեշտ գործառույթների իրականացումը:

ՀՀ ՍՅՈՒՆՆԻՔԻ ՄԱՐԶՊԵՏ  Ս.ԽԱԶԱՏՐՅԱՆ

2015թ. հունվարի 21
Ք. Կապան

Կազմը
Երեխայի տարիքը որոշող Սյունիքի մարզային հանձնաժողովի

Սուրիկ Խաչատրյան Աննա Ոսկանյան	«Սյունիքի մարզպետ /հանձնաժողովի նախագահ/ «Սյունիքի մարզպետարանի աշխատակազմի ընտանիքի,կանանց,երեխաների իրավունքների պաշտպանության բաժնի պետ /հանձնաժողովի քարտուղար/
Կառլեն Կոզմանով	«Սյունիք մարզպետարանի աշխատակազմի իրավաբանական բաժնի պետ
Նունե Գևորգյան	«Սյունիքի մարզպետարանի աշխատակազմի առողջապահության և սոցիալական ապահովության վարչության ,առողջապահության բաժնի պետ
Ռիտա Դավթյան	Կապանի թիվ 3 հատուկ կրթահամալիրի տնօրեն /համաձայնությամբ/
Զառա Վարդանյան	Ոստիկանության Կապանի բաժնի անչափահասների գործերով խմբի ավագ տեսուչ /համաձայնությամբ/
Զարինե Բաբայան	«Կապանի բժշկական կենտրոն» ՓԲԸ, մանկաբույժ /համաձայնությամբ/

«Սյունիքի մարզպետարանի
աշխատակազմի ղեկավար



Ռ. Նազարյան

**ԵՐԵՎԱՅԻ ՏԱՐԻՔԸ ՈՐՈՇՈՂ ԱՅՈՒՆԻՔԻ ՄԱՐԶԱՅԻՆ ՀԱՆՁՆԱԺՈՂՈՎԻ
ԼԻԱԶՈՐՈՒԹՅՈՒՆՆԵՐԸ**

1. Բժշկական կազմակերպություններում ծննդյան ժամանակի մասին տեղեկությունների բացակայության, տեղեկությունները կորսված լինելու, բժշկական կազմակերպություններից դուրս ծնված, գտնված երեխաների ծննդյան գրանցման և այն դեպքերում, երբ անհնար է այլ եղանակով պարզել երեխայի ծննդյան ժամանակը, երեխայի տարիքը որոշելու նպատակով ձևավորվում է մարզային հանձնաժողով (այսուհետ՝ հանձնաժողով):

2. Բժշկական կազմակերպություններում ծննդյան ժամանակի մասին տեղեկությունների բացակայության, տեղեկությունները կորսված լինելու, բժշկական կազմակերպություններից դուրս ծնված, գտնված երեխաների ծննդյան գրանցման և այն դեպքերում, երբ անհնար է այլ եղանակով պարզել երեխայի ծննդյան ժամանակը, երեխայի տարիքը որոշվում և հրապարակվում է հանձնաժողովի կողմից:

3. Հանձնաժողովը կազմված է 7 անդամից:

4. Հանձնաժողովի կազմում, ի պաշտոնե, ընդգրկվում են մարզպետը, մարզպետարանի սոցիալական կամ առողջապահական հարցերով զբաղվող ստորաբաժանման ղեկավարը (հանձնաժողովի քարտուղար), մեկական անդամներ մարզպետարանից, Հայաստանի Հանրապետության կառավարությանն առընթեր Հայաստանի Հանրապետության ոստիկանությունից, սոցիալական պաշտպանության, կրթական և առողջապահական կազմակերպություններից:

5. Հանձնաժողովի նախագահը, քարտուղարը և անդամները հանձնաժողովի աշխատանքներին մասնակցում են հասարակական կարգով:

6. Հանձնաժողովի նիստերն իրավագոր են, եթե դրանց ներկա է հանձնաժողովի անդամների կեսից ավելին:

7. Հանձնաժողովի անդամները նիստերի հրավիրման օրվա, տեղի, ժամանակի և օրակարգի մասին իրազեկվում են հանձնաժողովի քարտուղարի կողմից՝ նիստի հրավիրման օրվանից առնվազն հինգ օր առաջ:

8. Հանձնաժողովի նախագահի հրավերով հանձնաժողովի նիստերին խորհրդակցական ձայնի իրավունքով կարող են մասնակցել այլ անձինք և կազմակերպության ներկայացուցիչներ:

9. Հանձնաժողովի գործունեությունը ղեկավարում է հանձնաժողովի նախագահը:

10. Հանձնաժողովի քարտուղարն ապահովում է հանձնաժողովի աշխատանքների, նիստերի, օրակարգերի, արձանագրությունների, եզրակացությունների նախագծերի նախապատրաստումը, ինչպես նաև եզրակացությունները և դրանք տրամադրում հանձնաժողովի նախագահին ու հանձնաժողովի անդամներին:

11. Հանձնաժողովի նախագահն ապահովում է հանձնաժողովի գործունեության հետ կապված փաստաթղթերի պահպանությունը՝ Հայաստանի Հանրապետության օրենսդրությամբ սահմանված կարգով:

12. Հայաստանի Հանրապետության կառավարության 2011 թվականի հունվարի 20-ի N 18 Ն որոշմամբ սահմանված դիմումը՝ համաձայն N 2 հավելվածի, հանձնաժողով կարող են ներկայացնել երեխայի ծնողը (ծնողները), խնամակալության ու հոգաբարձության մարմինները, Հայաստանի Հանրապետության կառավարությանն առընթեր Հայաստանի Հանրապետության ոստիկանությունը, կրթական և առողջապահական, սոցիալական պաշտպանության կամ նմանատիպ այլ կազմակերպություններ:

13. Դիմումի հետ միասին հանձնաժողով է ներկայացվում անձը հաստատող փաստաթուղթ, երեխայի գտնվելու մասին տեղեկություններ, երեխայի քույրերի և եղբայրների

ծննդյան վկայականներ, վկայություններ (եթե դրանք հնարավոր է) այն անձանցից, որոնք ունեն երեխայի մոտավոր տարիքի մասին տեղեկություններ:

14. Հանձնաժողովը դիմումը քննության է առնում այն ստանալուց 15 աշխատանքային օրվա ընթացքում:

15. Հանձնաժողովը կարող է լրացուցիչ հարցումներ կատարել բժշկական, կրթական և այլ մարմիններից:

16. Հարցումների դեպքում դիմումի քննարկման ժամկետը կասեցվում է մինչև պատասխանների ստացումը:

17. Դիմումի քննարկման արդյունքում հանձնաժողովի կողմից տրվում է եզրակացություն Հայաստանի Հանրապետության կառավարության 2011 թվականի հունվարի 20-ի N 18 - Ն որոշման N 3 հավելվածով սահմանված ձևին համապատասխան երեխայի տարիքը (ծննդյան ժամանակը) որոշելու մասին, որը հաստատվում է հանձնաժողովի նախագահի ու քարտուղարի ստորագրություններով և մարզպետարանի կնիքով:

18. Եզրակացությունների համարակալումն սկսվում է 1-ից և հաջորդաբար շարունակվում տարվա ընթացքում:

19. Հանձնաժողովի եզրակացությունը հիմք է բժշկական կազմակերպությունների կողմից երեխայի ծննդյան ժամանակը գրառելու և Հայաստանի Հանրապետության օրենսդրությամբ սահմանված ձևի փաստաթուղթ տրամադրելու համար:

20. Եթե հանձնաժողովի եզրակացության մեջ երեխայի ծննդյան ժամանակահատվածը նշված է տարվա առաջին կեսը՝ առանց նշելու ամիսը և ամսաթիվը, ապա ծննդյան ակտի գրանցման մեջ ծննդյան ժամանակ է նշվում տվյալ տարվա ապրիլի 1-ը, եթե նշված է տարվա երկրորդ կեսը՝ համապատասխանաբար նույն տարվա հոկտեմբերի 1-ը:

21. Եթե հանձնաժողովի եզրակացության մեջ նշված է միայն երեխայի ծննդյան տարեթիվը՝ առանց նշելու ամիսը, ամսաթիվը, ապա ծննդյան ակտի գրանցման մեջ ծննդյան ամիս և ամսաթիվ է նշվում տվյալ տարվա հուլիսի 1-ը: